

Sakspapir

Sakshandsamar	Arkiv	ArkivsakID
Svein Helge Hofslundsengen	FA-M73	17/316

Saknr	Utval	Type	Dato
045/2019	Formannskapet	PS	17.06.2019
	Kommunestyret	PS	

Gulen og Masfjorden brann og redning (GMBR). Søknad om midlar til oppstart av øvings- og kompetansesenter Berinvest as

Vedlegg:

Journalposttittel
Vedlegg Berinvest

Dato
17.06.2019

Rådmannen sitt framlegg til vedtak:

Masfjorden kommune er positiv til å gje økonomisk støtte til oppstarten av øvingssenteret i Berinvest AS. Kommunen vil ta stilling til storleik på støtte når styret har avklart om det er mogleg å hente inn ekstern kapital til etableringa.

Saksopplysningar:

Bakgrunn

Kommunestyret er etterkvart godt kjent med sak rundt etablering av nytt øvingssenter. Vedtak om vidareføring av ideen om etablering vart sist gjort i kommunestyret i Masfjorden 13. des. 2018 og i kommunestyret i Gulen 14. februar 2019.

Det er peika ut eit styre som no har arbeidd fram ein plan for etableringa. Det er no gjort eit meir systematisk arbeid for å konkretisere dei faktiske kostnadane ved å etablere øvingssenteret som er lokalisert til Sløvåg Utvikling sitt område i Gulen Industrihamn. I styret sit Odd Harald Eide, Torill Torsvik Størkersen og Anne Magrete Bollmann. Brannsjef Sigvald Kvinge har bistått arbeidet med fagleg rettleiing.

Styret kjem no med søknad til kommunane om eingongsstøtte til etablering og oppstartskostnader på kr 750 000 pr. kommune, samt forskottering av kurs med inntil 100.000 pr. kommune, slik at det føreligg ein søknad om løyving i 2019 på inntil kr. 850.000,-.

Fakta & vurderingar

Styret har gjort eit grundig og godt arbeid med å kartlegge dei faktiske kostnadane med å etablere ein aktivitet ved øvingssenteret. I dokumentet prosjektstatus juni 2019 er oppstart av anlegget kopla til kommunane sine forventa utgifter knytt til lukking av kompetanseavvik i GMBR. Ved å etablere

øvingssenteret og utdanne eige mannskap i perioden 2019-2021 meiner styret at ein er godt på veg til å dekke inn dei løpande utgiftene. For å oppnå økonomisk balanse er det lagt inn kurssal til andre med kr 200 000 i 2020 og kr 360 000 i 2021. I statusrapporten viser styret sine vurderingar rundt økonomien at dette er eit noko usikkert og marginalt prosjekt. Styret tilrår likevel at selskapet vert stifta og at det vert arbeidd etter ein slik framdriftsplan,

Framdrift for arbeidet er følgande for 2019:

1. Investeringsavklaring i Gulen og Masfjorden kommunar.
2. Søknad om ekstern finansiering
3. Prosjektstart så snart investeringsplanen er godkjent.
4. Søknad og godkjenning av utsleppsløyve
5. Adm. rutiner på plass til oktober.
6. Oppstart kurs okt.
7. Ferdig med utdanning del 1 innan 2019.

Ideen om eit øvingssenter kom opp for fleire år sidan, og det vart då signalisert at naudsynt innkjøp i hovudsak var øvingssenteret til kr 200 000. Kostnadsbiletet har endra seg mykje sidan det. «Øvingssenteret» har allereie generert ein del utgifter.

Behovet for grunnutdanning er stort. Risikoen med å sette eige personell i fare ved utrykning og slukningsarbeid, må sjølvstendig minimaliserast og HMS ivaretakast på best mogleg måte. Administrasjonen er likevel usikker på om det er rett tiltak å opprette eit eige øvingssenter. Det kan stillast spørsmål ved om ideen er berekraftig på sikt. Når GMBR sitt mannskap er utdanna i 2021 vil eige behov for anlegget vere redusert. Anlegget si hovudinntektskjelde vil då vere basert på sal av kurs til eksterne. Dagleg drift vil verte meir krevjande. Kursporteføljene er uklar, og det viser seg ofte at kundar har ynskje om kjøp av tenester, men kan ikkje prioritere det økonomisk sett. Drift av eit kurscenter ligg ikkje innanfor brann og redning sitt kjerneområde, og vi kan i verste fall komme i ein situasjon der drifta krev mykje administrastive ressursar og går utover operativ drift i GMBR.

Masfjorden kommune søkte pr. den 14.06.19 om 1,5 mill.kr. i støtte til unike regionale utviklingsprosjekt for kompetansesenter innan samfunnsberedskap, brann- og redning (ordning tidlegare definert som konsesjonskraftmidlar) hjå Hordaland fylkeskommune.

Administrasjonen i Masfjorden har etter ei samla vurdering komme til at kommunen bør støtte oppstarten økonomisk, men både styre og administrasjonen meiner at ein helst bør få delfinansiert oppstartskostnadene med eksterne midlar, og at det økonomiske biletet må klargjerast i høve til evt. moglegheit for ekstern finansiering.

Konklusjon

Masfjorden kommune er positiv til å gje økonomisk støtte til oppstarten av øvingssenteret i Berivest AS. Kommunen vil ta stilling til storleik på støtte når styret har avklart om det er mogleg å hente inn ekstern kapital til etableringa.

Formannskapet - 045/2019

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Masfjorden kommune er positiv til å gje økonomisk støtte til oppstarten av øvingssenteret i Berivest AS. Kommunen vil ta stilling til storleik på støtte når styret har avklart om det er mogleg å hente inn ekstern kapital til etableringa.